

# FÜRCHTET EUCH

Host du des ghead,  
Host du des glesn,  
Weast as scho säng,  
Ausdiskutiert

de Krim de hods damead  
de war scho russisch gwesn  
do wead no was gschäng  
wann da Iwan aufmarschiert

Jiatz kimmt da Russ – dea schlogt glei richtig zua  
Ja weil da Russ – losst uns koa Rua  
Ja und da Deitsch – dea schreit noch Sicherheit  
Und da Ami – dea head uns ob zum Zeidvertreib

Host du des gschbandd, Panza roin ins Land  
Host du des mitgriagt, wos in da Luft dahea fliagd  
Host du des gschmeckt, de Wahrheit hams vorsteckt  
Und in mein Hirn wead glei a Bombm explodian

Host du des ghead, dass wer um Hilfe blead  
Host du des glesn, do war irgendwos gwesn  
Host du des gsäng, do war irgendwos gschäng  
Ausdiskutiert wann da Iwan aufmarschiert

**FÜRCHTETEUCH** da Putin macht Krawall  
Stalingrad is überall  
im Osten wart a Riesenheer  
und mir ham nur  
de Bundeswehr

**Gnaden**

*Da Sicherheitsexperte fordert mehr Härte  
da Rüstungsbeauftragte dea verdient a ganz schnee*

*Verteidigungsstrategen überlegen verwegen  
Oba de Waffenschiaba is a gscheide Krise liaba*